

KA UI TIPELIMITISHUIK TSHILANU PEKUAKAMIULNUATSH

UTAIMUNUAVU KA MAMU ATUSSESHTAKAU TIPELIMITISHUN

Kuei, kassinu Pekuakamiulnuatsh,


Nane pipun 2019, tshilanu peikuitsh ka ishilniuk tshitshitshipalipan ne ka mishta-apatelitakuatsh tshe nashekanitsh tshetshi tshilanu ui Tipelimitishuik. Katshi ishpalitsh ume e tanuatsh, peikuan ne mishta-akushun COVID-19 tshetshi nakapalihikunu kie atusseun apu tshi nashpish nashekanitsh tshitatusseunu, ne ka ui Tipelimitishuik tshi atusseshtamuatsh peikuan, ashitsh uiesh 100 Pekuakamiulnuatsh peikuitsh ka ishilniuk ne ka tutakanilitsh tshi nanitshishkatuepatsh ute Mashteuiatsh, Alma, Saguenay, Upishtukuiatsh, Muliatsh nite ka mashtuepalitakanitsh vidéoconférence kaishinikatetsh.

Kashikatsh, kau tshika tshisseilitenau tan tshe eishi nashekanitsh kie kau tshuihtamakunau mekuatsh nimishta-atussanan ne mishta-mashinaikan tshetshi mishta-nukuatsh nite aishkatsh. Nitshe, Katakuhimatshetau, ka uilakanitau, tshimilu-uihtamuatsh, nelu tan tshe eishi nashekau ekuan nelu nishtam^U e tipelitakau nite utatussenuau 2021-2025 tshetshi tiesh ashtatau nelu ka ui Tipelimitishiek nelu mekuatsh e atusseshtakau katakuihmatshetau


Ume nikan minashtakanitsh, nika uihtenan tshe atusseshtamatsh ne tshetshi kukuetshimakuiek, ne ka mishta-aiminuanatsh tshe nanitshishkatunuanatsh, tshe takuatsh tshetshi amihitueik e nanitshishkatuiek, eshkueka tshe Utshimakuanatsh nite tshe nashekanitsh, tshika uihtakanu tan ishpish tshe tutakanitsh ashitsh Katakuihmatshetau ne ka ui tshisselitakau.

Tshinishkumitinan tshi apatelitamek kie e tshipushiek!


Ka mamu atusseshtakau Tipelimitishun




Hélène Boivin
(Ka nikan uilakanit
Tipelimitishun)




Patrick
Courtois



Daren
Germain



Jay
Launière-Mathias



Guylaine
Simard

KAU TSHUIHTAMAKUNAU NE MISHTA-MISHATSH ATUSSEUN TSHE NASHEKANITSH

13 shiship-pishim^u 2019 – Tshe uiluiutshekunipan ne ka ui Tipelimitishuik nane ka nanitshishkatuiek ka mamuhituiek Mashteuiatsh.

17 nissi-pishim^u 2019 – Tapuetakanu ne Tapuetamun mashinaikan nite ka mamu atusseshtakau Tipelimitishun, nelu utatusseunuau tshetshi aimihakanitau Pekuakamiulnuatsh peikuitsh ka ishliniuk, tshetshi mashinatahakau tshe eishi nashekanilitsh ka ui Tipelimitishuik kie tshetshi takuatsh mashinatahatutishun ne Tipelimitishun kie nisht^u ka uilakanitau nite Katakuhimatshetau tshetshi tukuaniilitsh utapunuan.

25 nissi-pishim^u 2019 – Tshe utshimaukanun Pekuakamiulnuatsh neu ka atusseshtakau Tipelimitishun tshetshi tshishtatau tshe tshishkumuakanitau nitshe ka atusseshtakau Tipelimitishun kie tshe uitsheukuatsh nisht^u uilueuatsh Katakuhimatshetau.

Upahu-pishim^u 2019 – Uapataliunanipan nitshe ka mamu atusseshtakau Tipelimitishun tshetshi tshe nanitu-tshisselitakau nite mashinateu tipatshimuna. Ka atusseshtakanitsh 1, 2 kie 3 takuanilipan tshetshi tshisselitakanitsh kie tshitaphtakanitsh, ne mamu tshe uaihtakakanitsh tshetshi etatu tshisselitakanitsh ka ui Tipelimitishuik, ne e takuatsh atusseun 4, taship minuatsh atusseshtakanu, mamitunelitanu ne pitama ne ka ui Tipelimitishuik tshilanu Pekuakamiulnuatsh atusseshtakanipan, tshetshi kassinu tapuatakau, ne kassinu mamu Tipelimitishuik tshilanu Pekuakamiulnuatsh



ATUSSEUN 1

USHKAHU-PISHIM^u LUASH PISHIMUSS 2019

Tshe alamutekanitsh:

Ushkatsh aimun, ishpitelitamon, uelutishiun kie tapuetamun shkatsh e ashpitishimunanuatsh tshetshi tshishtin tutakanitsh tipelitamun e mishta-apatitsh

ATUSSEUN 2

TSHISHE-PISHIM^u LUASH UPAHU-PISHIM^u 2020

Tshe alamutekanitsh:

Atusseutshuapa kie tipelitamuna (kie auenitsh e mashinashutau, kie matunuanun tipelitamun, llnu-utshimakanuatsh, ka takuhimatshen)

ATUSSEUN 3

USHKAHU-PISHIM^u LUASH PISHIMUSS 2020

Tshe alamutekanitsh:

Ueshdashun tshitassinu, pushupalitau Pekuakamiulnuatsh, nitshe kutakanitsh ka uauitshietau tshi pushupalitau kie uitsheutuna, uitsheutunanun, tan tshe eishi nashekanitsh e ui mishkutunekanitsh, tshe tutakanitsh eshkueka tshitshue ishpalitsh.

UASHKATSH ATUSSEUN

TSHISHE-PISHIM^u 2021 LUASH UINISHK^u-PISHIM^u 2021

Ui nanitu-tshisselitakanipan kie atusseshtakanipan

Mihtshenipan ka nanitshishkuakanitau tshetshi kau tshisselitakanitsh e apatelitakanitsh ne tshe tutakanitsh ka ui Tipelimitishuik tshetshi kau uhtakanitsh ishpitelitamun kie ne tshe tutakanitsh ka ui Tipelimitishuik tshetshi tshuetamatakuatsh ne ka ishpitelitakuatsh e mamitunelitamek Pekuakamiulnuatsh ne mekuatsh e atusseshtakanitsh. Tshi ashtakanu nite atusseun-katshitapakanitsh ne kukuetshimuna kie tshetshi uhtamek tan itelitamek nite atusseun-tshitapakanitsh kukuetshimun nite takuan Web kaishinikatetsh ka mamu atusseshtakau Tipelimitishun.

KAU MINUATSH TSHITSHIPALINANU NUSH^u ATUSSEUN

SHISHIP-PISHIM^u LUASH SHETAN-PISHIM^u 2021

Tan tshe eishi nashekanitsh

Nanitshishkatunipanitsh tshetshi tshisselitakanitsh tshetshi nitshe ka mamu atusseshtakau Tipelimitishun tshetshi naushunekau nelu ka ituanuatsh tshitilnu-tshisse-utshimaunu kie tshika utinikau ne ka issishuaiek aimuna kie ne ka mashinatahakau tan tshe eishi nashekau Tipelimitishun.

ATUSSEUN NISHT^u

PATISH TSHIKA TSHISSELIKAKANU – E TAKUASHIT 2022

Ushimau aiminanun

Tshetshi aiminanuatsh tshe nanitshishkatunuanuatsh Uapataliunanun ne tshe eishi nashekanitsh e mashinatetsh Ka mamu atusseshtakau Tipelimitishun Pekuakamiulnuatsh tshetshi mautshishtatau, ne mashtel tan ka itelitamek kie tshekuampa tutakanu ashitsh Pekuakamiulnuatsh, eshkueka tshetshi tshishtakanitsh e mashinatahakau kie tshika itashamuatsh nite ka Utshimakanuatsh, makie neme pipun 2023.

ATUSSEUN 4

31 upahu-pishim^u 2021 – Tshe mishkutumupanitsh ne katapuetakanitsh Tipelimitishun kie tepanitsh 7 eku mak anutshish 5 teuatsh, katshi ishpalitsh ka Utshimakanuatsh nane 2 upahu-pishim^u kupapan nane nissi-pishim^u 2021 ka atusseshtakau Tipelimitishun Gilbert Courtois.

Nane Takuatshin 2021 kie pipun 2022 – Tshimashinatekanipanitsh utatusseunuau ne tan tshe eishi nashekanitsh Tipelimitishun kie nishtunakanitsh aimun tshetshi tapuetakanitsh tshe nehlushtetsh.

AISHKATSH KA UI TIPELIMITISHUIK PEKUAKAMIULNUATSH

Ashitsh ne kassinu ka tutakanitsh kie ka itelitakanitsh nitshe Ka mamu atusseshtakau Tipelimitishun tshikashtinimutsh katshi tshitshipalitsh ne ka nanitshishkakuiek nane ushkuhu-pishim^u 2019, kau atusseshtamuatsh utatusseunuau tshetshi mashinatahakau nelu tshe nashekanitsh Tipelimitishun tshika takuan nite mashinaikan tshekuan ka uauhtamek;

USHKATSH AIMUN

- Ne ka ishpitelitakuatsh tshilanu peikuitsh ka ishilniuik, nipa miluelitenan tshetshi pashtinimatsh nitaimunan nite Tshitipelimitishunu.

NUTAM TSHE UEUESHTAKANITSH

- Nitshe peikuitsh ka ishilniuik kie e ilniunauatsh
- ne ilnu-Tshishe-Utshimau kie ka mamu atusseshtaku Tshitipelitamunu

ISHPITELITAKUATSH KIE UELUTISHIUNA

- Pekuakamiulnuatsh, ne ishpitelitamun kie uelutishiun tshetshi mashinatetsh nite ka ui Tipelimitishuik

TSHITASSINU KIE NEHLUEUN

- Ne Tshitassinu (tshitassinu), ekuan nite takuatsh miluelimun tshetshi mamu taik tshitassiuau Pekuakamiulnuatsh ka ishpitelitakau utassiuau
- Takuan nehlueun (tshinehlueunu) kie ne mishtukushimun.

TSHI TUTAKAU KIE TIPELITAMUNA

- Ushte kie ne tiipelitamuna kie tipelimitishuna, auenitshenatsh kie kassinu ka atuseun-mitshuapa takuanilu utipelitamunuau tshetshi milu-shakassinatau umashinaikanuau

TIPELITAMUNA KIE AUEN E TIPELIMITISHUTAU

- Pahpeik^u utipelitamunuau, mamu e tanuatsh kie nuitutenan tshetshi milu-nishtunakuatsh uelutishiun kie tshishpeuatakanitsh tshitipelimitishunu.

ILNU-TSHISHE-UTSHIMAUTAHTSH

- Pekuakamiulnuatsh takunilu tshetshi tutak shutshelitamun tshetshi mishta-malakash e taik, nehlueun, ilnu-aituna ne eishi peikuitsh ka ishilniuik.
- Ne kassinu atusseun-mitshuapa ne kaishinikatekau législatives kie executives tshetshi takuatsh utapun kie tshe mamu takunikau;
- Tapuetamuatsh ne Ilnu-Tshishe-Utshimau ueueshtaun mashinatahatutishun tshetshi tapuehtakanitau tshetshi tatau kie pushutau tshetshi mishtalem e mihtshetutau Pekuakamiulnuatsh;
- Ne ka uilakanitsh Ilnu-tshimau;
- Tshiekuan tshe tutakau ussinitshuatsh, tshishelnuatsh kie (Katipelitakau unituhussiuau) kie tshe pushutau Pekuakamiulnuatsh nite atusseun-tshitipelitamunu.
- Nitshe ka atusseshtakau nelu nanakatshishtaun, ne uelutishiun e milu-tutakanitsh kie e tshiuemakanitsh shuliau mashinaikan;
- Tshetshi nakapelitakanitsh peik^u makie kassinu Pekuakamiulnuatsh nite atusseun Tshitipelimitishunu;
- Tshika takuanilu utapunau ne ueueshtaun, tshika ishpitelitakuan ne tshe takuatsh kauaueshtakanitsh ueshtashun kie pushupalinanuatsh;
- Uitsheutunauatsh ashitsh kutakatsh peikuitsh ka ishilniutau kie nitshe Ilnu-Tshishe-Utshimauatsh.

UELUTISHUN AITUN PEIKUITSH KA ISHILNIUTAU

- Tshe tshishpauatekanitsh aitun, ilnu-utshisselitamunuau kie nanahku e takuatsh ilnu-aituna Peikuitsh ka ishilniuik.

KUTAKATSH UTINEKANUATSH

- Ne ka ui Tipelimitishuin ne kamashinatahatushinanuatsh apu alem ka pushutau Pekuakamiulnuatsh;
- Nashpitsh tshika takuan aishkatsh Ilnu-Tshishe-Utshimau tapuetamuatsh tshetshi takuatsh atusseun ka tutakau ka ui Tipelimitishutau;
- Tan tshe eishi nashekanitsh, ueueshtashuna kie ne mekuatsh ueshtashuna ekuan nite mashinatahakau;
- Ne tutakau kie kau tshika tshitapatamuatsh nitshe ka mamu atusseshtakau Tipelimitishun;

Nane pipun 2019, nanahku tshe tutekanu tshi ashtatau tshetshi miam itashtetsh tshisselitamun kie pushitau Pekuakamiulnuatsh nite pahpeik^u atusseunilu:

- Aitunanuatsh tshe uluipalitakanitsh kie tshe tshipahikan
- Mashinaikan tsheshi tshisselitakanitsh
- Nanitshishkatunipanitsh tshetshi aimituik kie mishkutunamatishuik aimun e mamu taiek
- Kamashtuepalitakanitsh tshika uapatalikunau tshetshi etatu tshisselitamek tshika aimuatsh nite.
- Nanitu tshisselitakanu nite WEB kaishinikatetsh
- Mashinaikanissa
- Tshika pehtakuan nite katauapekihikan ka aimikatsh kie nite mashinaikan tipatshimun
- Kamashinakanitshuapihtsh kie akutakanu nite mishue atauitshuapihtsh Mashteuiatsh

Nanitshishkatunipanitsh ne ui tshisselitakanitsh ka ui Tipelimitishuik nanahku nite tshika ishinakuan. Taship, ka mamu atusseshtakau Tipelimitishun tshe atshitashumuatsh 1 158 ka pushitau ushkatsh ka tutakanitsh ne atusseun katshi nanitshishkuiek.

Tshika tipelimitishunanu tshilanu, ekuan ne tshe nashekanitsh kie tshipatshi tutakanu tshetshi utinekanitsh, mamu;

Tshetshi tutakanitsh tshishutshelitamunu miam Peikuitsh ka ishilniutau, nipa miluelitenan tshetshi mishta-mihtshetiek kie pashikutishinekanilitsh atusseunilu tshilanu peikuitsh ka ishilniuk Pekuakamiulnuatsh.

Nanakatshishtak tshe uluipalitakanitsh aituna tshetshi ui nanitu tshisselitakau ne ka mishta-aiminanuatsh neme kutaka minashtakanitsh.

Nashunan nite nanahku atusseun katshitapatakanitsh, plateforme ka ishnikatetsh! Takapitshenimunan ui nanitu kukuetchimuiek makie pashtinimuk tshitaimunuau tan itelitemek! Mashinahatahutishuk nite mashinaikaniss tshetshi kashtinimek kassinu tshitshisselitamunu!

Ka mamu atusseshtakau Tipelimitishun

1514, rue Ouiatchouan, Mashteuiatsh (Québec) G0W 2H0

418.275.0905 • Takapitshenikan apu tshishikashunanuatshtsh: 844.904-0905

constitution@tipelimitishun.com

 Commission Tipelimitishun

 www.tipelimitishun.com

